

# KA ACTERIK KE ICI WITCIHAKANIWITCIK KA AKWERITAMIHAKANIWITCIK KANATA

## E ICI TIPATCIMOTC KA KI AKWERITAMIHAKANIWITC

### Kekwan nihe e tipatcimotc ka ki akweritamihakaniwitic ?

Nihe tipatcimowin enkweriw kaskina ka masinaterik e ki atisoketc tan ka ki ici akohakaniwitic otaiciwerimowinik, otiteritamowinik, otirapatcitawinik, ocoriamik apitc ka akweritamihakaniwitic. Wirawaw tipaskonikewinik ka mitatcik kata tapwatamok masinahikaniw e mamicitcickaterik apinehamowiniw wirawaw tca kata oreritamok.

Ke ici mamicitatak naha ka ki akweritamihakaniwitic enkweriw ke otci kanawapcickaterik nte e iciwitatc tipaskonikewinik. Kata tca kirowe nisitotamok aniki neta ka mitatcik tipaskonikewiniw tan ke ici tipahomwatcik ka ki patahamiritci.

### Acteriw niheriw kitci pimotetakaniiwonik naha otci ka ki akweritamihakaniwitic !

Apitc ka pimotemakak nihe kitci masinahikan Charte canadienne des droits des victimes esko 23 mikomin pisimw 2015. Nihe masinahikan itemakan kaskina ka ki akweritamihakaniwitic acteriw kitci mamicitatak nte kitci iciwitatc tipaskonikewikamikok kitci kanawapcickaterik acitc kitci oreritcickaterik otapineckawin. Wirawaw kaie kata oreritamok tan ke ici orakonakaniwitic naha ka ki patahak. Ke apitc tapwe itactahorakaniwitic.

### Awin ke ki orisinahak ke ici tipatcimotc ka ki akweritamihakaniwitic ?

Kaskina ka ki akweritamihakaniwitic owiak kekotc otaiciwerimowinik e ki pikotakaniiwonik otirapatcitawin kekotc ocoriam e ki onitatc acteriw kitci mamicitatak kitci iciwitatc tipaskonikewinik. Matci wir tipirawe kekotc kotak awik ka kaie wir takickakotc e ki ici patahikaterik. Matci tipirowe owitcican kekotc ka micta nahi kiskerimatc awiriw.

Nihe mamicitcikesinahikan matci kotak awik kata ki orisinaham aniheriw otci ka ki akweritamihakaniwitic. Peikon matci kaie kecpin e ki takwe neta awik e ki nipotc. Matci ko nte awik e ki niporitci onitcanica, otawiwa kekotc ka kanaweimatc awiriw. Peikon kaie aka e kackitatc awik kitci masinahiketc.

### Matci ia ni wir tapwatam ka ki ici tipatcimotc kitci kiciwetc naha ka ki akweritamihakaniwitic ?

Ke cpin wi tapwatake naha ka ki akweritamihakaniwitic omamicitcikesinahikan kitci kiciwetc kitci petowakaniwitic mekwat e arimitakosinaniwonik aci e oreritakonik kitci tipaskonakaniwitic ka ki patahamiritci. Patam kata pakitinakaniwiiw kitci tapwatak aric matci wirawaw kata ki oreritamok tan ke ki totamiritci e witak. Matci kaie kataki motci masinacteparitaw.

Matci kaie kata ki tapwatam omamicitcikesinahikan anaha ka ki akweritamihakaniwitic.

- Kitci taritci ka tapwerimatc awiriw kitci witcikapoctakotc ;
- Otananiw kitci nanipowitc masinactetcikanik



E ACTEK WERITA  
KITCI WITAMAKOIN



E ACTEK KITCI  
NANAKATCIHIKOIN



ACTEW KITCI  
NTA WITAMAN



ACTEW KITCI  
NATOCKASOIN



ACTEW KITCI  
ARIMIHIWEIN

## KA ACTERIK KE ICI WITCIHAKANIWITCIK KA AKWERITAMIAKANIWITCIK KANATA

- Kekotc orowitamik kitci taciketc ka ici arimitakosinaniwonik matci kaie masinactetctickaniw kitci apatcitac aka tca kitci wapamikotc anih ka ki patahamiritci ka itactahoratc.

### Kekwan ni matci ke ki masinahikatek neta ka ici tipatcimotc ka ki akweritamihakaniwitec ?

Nihe mamicitcikemasinahikan nte kata ici masinahikatew takon ke ici nosanetakaniwok enkweriw ke apatcitac naka ka ki akweritamihakaniwitec e orisinahak. Kaskina wiec aitamono kitacikewininak nihe masinahikana. Kaskina kata masinaham ka ki ici takickakotc otaciwerimowinik, owiak, ocoriamik acitc ka ici koctak opimatisiwinik peikon kaie owitcicana acitc okwimesa. Matci kaie kata ki acotcictaw tesinikaniw atisoke masinahikaniw kitci witak tan ka ki ici takickakotc.

Matci kaie kata iciwiew omasinasowina epwamoci akohakaniwitec e icinakosispan kitci tca aratec mekwatc e wapatariewec omamicitcikesainahikan. Patam oreritakawe tipaskonikewinik ka mitatcik aka kitci otamickakoritci ke ici pimotoamkanik tipaskonikewiniw. Kecpin kotak awik e iciwitatc niheriw mamicitcikesainahikaniw anih otci ka ki akweritamihakaniwiritci matci kata iciwiew masinasowina e nokosiritci anih mekwatc e tapwatak masinahikaniw patam aric aka kitci otamihiwemakanik arimitakosiwiniw.

### Tante ke totcikatek kitci pakitinikatek niheriw ka ki ici tipatcimotc Ka ki akweritamihakaniwitec ?

Kaskina takoniw tan kotc kitacikewininak niheriw omasinahikan ke ici nosanetatc kecpin e pakitinak ka ki akweritamihakaniwitec omamicitcikesainahikan. Takonike iriniwok, ka witcihatcik ka ki akweritamihakaniwiritci, kekotc arimitakosi iriniw kata ki mirew niheriw masinahikaniw. Matci kaie kata ki witcihakaniw e mockinesinahak niheriw masinahikaniw. Enko aniki ke ki witcihiwecik ka itapitcik witcihiwewinik ka aitamoki kitacikewininak. Wir tca kata matceticicaham niheriw masinahikaniw anaha ka ki akweritamihakaniwitec. Anih kitci iciticahamowatc arimitakosi iriniwa kekotc ka nikanipiritci neta tipaskonikewinik.

Epwamoci orakonakaniwitec ka ki patahak acteriw kitci kokwecikemotc tipaskonikewinik ka mitatc kecpin ka ki tapi ickwa aiakak kitci orisinahak mamicitcikesainahikaniw

naha ka ki akweritamihakaniwitec. Matci kata nakaham patama ke ici irakonatec ka ki patahamiritci patama tca naha ka ki akweritamihakaniwitec kitci tapwatak omasinahikan.

Naha tca ka ki patahak kekotc otarimitakosi irinima kata takoniw kaie wir masinahikaniw e ki tapasinahikeparitakaniwonik. Matci kitci apatcitac kitci kokwecimatc kekwariw neta ka ki ici masinahamiritci.

### Matci ia ni kata ki iciwitakaniwon kecpin e takok kotak arimitakowin ka ki ici tipatcimotc Ka ki akweritamihakaniwitec ?

Kecpin naha ka patahak kekotc ka itactahorakaniwitec aka wir niheriw e ki otci patahak kecpin akosiwatisikwe. Wirawaw tipaskonikewinik ka mitatcik kata oreritamok tan ke ici irakonakaniwitec naha ka itactahorakaniwitec. Nihe Code criminel itasinatew patam kata nosanetakaniwon tan ke itasinaterik ka ki akweritamihakaniwitec omasinahikan. Acteriw kitci witamowakaniwitec ka ki akweritamihakaniwitec tan ke icinakok arimitakosiwin acitc matci kata ki tapwatamokw kitci kiciwecik omamicitcikesainahikaniwaw. Matci kaie niheriw kata ki apatciwok ka actek neta Code criminel masinahikan ka nosanetakaniwok ke itasinahikaniwok.

Kaskina wiec aitamono nihwe kitacikewininak. Aniki orina ka ki akweritamihakaniwitec matci kotakeriw masinahikaniw kata ki apatcitawok e mockinesinahiketcik. Nihe tca masinahikan apitc e apatak patam ni ko awik nespitc e kipohakaniwitec naha ka ki micta patahak. Kecpin tca e nataweritak kitci atciwinamowakaniwitec irikik ke kipohakaniwitec naha ka ki patahak. Nihe tca irakonikewin 745 Code Criminel. Kaskina tca kata kanawapatam tipaskonikewinik ka mitatc ka itasinatek Code criminel masinahikan. Kaskina kata apatan ka ki aitisinahikaniwok ka arimitakosinaniwok. Matci kata kiciwew e tapwatak omasinahikan ka ki akweritamihakaniwitec.

Matci kata ki iciwitaw omasinahikan ka ki akweritamihakaniwitec matci kata tapwatam kitci kiciwecik kekotc kata pakitinam omasinahikan mekwatc arimitakosinaniwoke Commission des libérations conditionnelles du Canada. Awocamec wi nanto kiskeritakoke e iciwitakaniwok mamicitcikesainahikan mekwatc e arimitakosinaniwok audience de la Commission.

.....

## Awin ke ki aimihakaniwitc kecpin awocamec e wi nanto kiskeritcikatek ?

Kecpin kir kekotc awik kiskerimate e akweritamihikoekw matci ki ka ki witcihikowinawaw. Kaskina wiew ota kanata askik takon nihe witcihiwewin aniki otci ka akweritamihakaniwitcik. Matci ki ki witcihikowaw kekotc kata naskamo ka ici kokwecikemowin. Neta takon e masinatek ke ki ici witcikoin. **Répertoire des services aux victimes** wirawaw ki ka witamakok tante ke ici nta kokwecikemoin ite e ici peconakok kitacikewin.

<http://www.justice.gc.ca/eng/cj-jp/victims-victimes/vsd-rsv/index.html>

.....

© Kitci Okimakew e nikanipictak ota Kanata askik aniki tca e atoskectowatcik kitci tipaskonike iriniwok acitc ka nikanipictak tipaskonikewinik Kanata 2019

ISBN 978-0-660-30580-6  
Cat. No. J2-412/4-2015Rc1-PDF